

յել է հարազատ որդւոյ դարձելոյ առ ծնողն . և վերստին չնորհեցաք զիւր եպիսկոպոսական պատիւն և իշխանութիւնն : Այսուհետեւ իբրեւ զմի հարազատ և հնազանդ որդւոց մերոց է . վասն որոյ ընկալարուք զզա բազում սիրով և յոյժ մեծարանօք , և ամենայն կարողութեամբ հպատակ և հնազանդ լերուք դմա . և ի հոգեւոր գործ մի՛ խառնիք՝ որ ոչ վերաբերի առ ձեզ . դորայ է գործ : Մի՛ ոք իցէ ընդդիմացող կամ հակառակող դմա : Եւ եպիսկոպոսական հաս և իրաւունքն յինքն հասուցանէք անթերի : Այսուհետեւ ով որ խռովութեան պատճառ լինի՝ թէ ի քահանայից թէ ի դատաւորաց և թէ յաշխարհականաց , շարաշար բանադրանս ընդունելոց է , և պատուհասակոծ լինելոց : Սիրոյ և խաղաղութեան ջանացարուք . և վասն ամենայն սնոտի և ընդունայն բանից մի՛ վրդովիք և աղմկիք . այլ երկայնամիտ լերուք , և զօգուտն խորհեցարուք : Ահա ամենայն խորհրդւոց մերոց սենեակ Պարոն Խաչքօն դատաւոր ձեր . զմեր ամենայն խորհուրդ ի Պարոն Խաչքօն իմանայք . և զոր ինչ ի մերմէ կողմանէ ասասցէ ձեզ՝ ունկնդիր լինիք : Ահա ի մերմէ կողմանէ Ս . Էջմիածնայ երեսփոխան կարգեցաք զՊարոն Խաչքօն . որ զինչ Էջմիածնայ հաս և իրաւունք լիցի , թէ գանձանակ թէ ողորմութիւն , թէ յիշատակ , բովանդակն Պարոն Խաչքօն ժողովեսցէ . և պարոնտիրի և ձերով զիտութեամբ և կնքով ի Ս . Էջմիածինն հասուցէ : Ընդ տին և զայս խնդրեմ , զի Թօխաթացի Խոճայ Մարկոսի որդի Սիմէօն չէլէպին՝ որ այս բարի բանիս պատճառ եղեւ , և պարոնտիրին՝ դրամով օգնեաց , որ եկն և խաղաղութիւն եղեւ , զնորա դրամն ըստ արժանոյն առաւելապէս յինքն հասուցանէք . և ըստ երախտեացն երախտահատոյց լինիք , պատուով և մեծարանօք : Գրեցաւ թուղթս ի ԹՎին Հայոց ՌՃԲ , յապրիլ ամսոյ ԺԵ , ի մայրաքաղաքն Կոստանդնուպօլիս :

ԵՍ ՓԻԼԻՊՈՍ ԿԱԹՈՂԻԿՈՍ ԻՄՈՎ ԶԵՌՄԲՍ ԳՐԵՑԻ :